



Broj: 01- 49- 1028 /17

Datum: 25.04.2017. godine

OPĆINSKO VIJEĆE
MAGLAJ

PREDMET: INFORMACIJA O TEKUĆIM AKTIVNOSTIMA VEZANO
ZA GROBLJE BORIK U MAGLAJU

Cilj pripreme ove informacije je upoznavanje i informisanje sa dosadašnjim provedenim aktivnostima vezanim za realizaciju "GROBLJA BORIK" u Maglaju.

Na osnovu ukazane potrebe za iznalaženjem i opredjeljivanjem lokacije sahranjivanja umrlih, a posebno kad su u pitanju umrli koji ne pripadaju ni jednoj konfesiji, neophodno je bilo da općina Maglaj ubrza aktivnosti na iznalaženju lokaliteta za izgradnju groblja i opredjeli pogodno zemljište za ovu namjenu.

Općinsko vijeće Maglaj na sjednici održanoj dana 02.03.2017. godine razmatralo je prijedlog lokaliteta Borik za određivanje lokacije za sahraniivanje umrlih te potom usvojilo ZAKLJUČAK broj: 02-05-1-440/17, kojim se usvaja Odluka o pristupanju izradi Regulacionog plana „Groblje Borik“ u Maglaju.

Radi se o području Podborik, na Omerdinom polju, lokacijski obuhvat BABOVAČA u okviru kojeg se planira površina radnog prostora za groblje od cca 1 ha.

Odlukom o pristupanju izradi Regulacionog plana „GROBLJE BORIK“ u Maglaju (Odluka broj: 02-05-1-442/17) pokrenut je postupak izrade planskog dokumenta - Regulacionog plana „GROBLJE BORIK“ u Maglaju, nakon čega je proveden postupak odabira nosioca izrade Regulacionog plana i urađeno slijedeće:

- Aktom broj: 01-49-392/17-1 od 10.03.2017. godine u skladu sa Zakonom o javnim nabavkama BIH (Službeni glasnik BIH broj: 39/14), općinski načelnik je donio Odluku o pokretanju postupka javne nabavke (broj: 01-49-392/17-1) za obavljanje usluga Javne nabavke – konkurentski zahtjev za obavljanje usluge „Izrada Regulacionog plana „Groblje Borik“ u Maglaju.

- Obavještenje o nabavci - Konkurentski zahtjev, objavljen je na portalu Javne nabavke broj: 1140-7-2-5-3-4/17 od 13.03.2017. godine sa rokom za dostavljanje ponuda do 20.03.2017. godine.

- Konkurentski zahtjev i Projektni zadatak za izradu Regulacionog plana „GROBLJE BORIK“ u Maglaju prosljeđeni su na tri adrese i to: „Stilprojekt“ d.o.o. Zavidovići, Kantonalni zavod za urbanizam i prostorno uređenje i „Ting“ d.o.o. Žepče.

- Komisija za javne nabavke aktom broj: 01-49-392/17-4 od 29.03.2017. godine, donijela je Odluku o izboru najpovoljnije ponude kojom je najpovoljniji ponuđač za obavljanje usluga „Izrada Regulacionog plana „Groblje Borik „ u Maglaju odabran ponuđač „Stilprojekt“ d.o.o. Zavidovići, Podružnica Maglaj sa ponudom u iznosu od 3.100.50 KM sa PDV-om.

- Općinski načelnik sa odabranim ponuđačem d.o.o. „Stilprojekt“ Zavidovići – Podružnica Maglaj 18.04.2017. godine potpisao je Ugovor broj: 01-49-392/17-5 o izradi Regulacionog plana „GROBLJE –BORIK“ u Maglaju.

- Ugovorom je tačkom III određen rok za izradu Regulacionog plana, koji prema potrebi za izradu predviđenih faza je ukupno 105 dana od čega je:

1. Izrada Prednacrt planskog dokumenta 30 dana
2. Izrada Nacrta planskog dokumenta 15 dana
3. Javni uvid 15 dana
4. Javna rasprava 15 dana
5. Izrada Prijedloga planskog dokumenta 30 dana

Rok za izradu Prednacrt planskog dokumenta počinje da teče od dana zaključivanja Ugovora i izrada ove faze dokumenta je u toku.

Općina Maglaj kao nosilac pripreme dostavila je Nosiocu izrade Ugovorom predviđenu dokumentaciju i na terenu dala potrebne smjernice za izradu ove faze dokumenta.

Urađen je detaljni geodetski snimak lokacije u obuhvatu od 1.0 ha, Projektni zadatak za izradu Regulacionog plana „GROBLJE BORIK“ u Maglaju, koji su sa ostalom dokumentacijom, geodetskim podlogama, podacima iz katastra i postojećom prostorno planskom dokumentacijom dostavljeni Nosiocu izrade.

Sa stručnim timom Rudarsko geološkog i građevinskog instituta iz Tuzle izvršen je obilazak terena i u pripremi su geološki terenski radovi ispitivanja terena lokaliteta „Groblja Borik“.

U skladu sa tačkom III zaključka o usvajanju Odluke o pristupanju izradi Regulacionog plana „Groblje Borik“ u Maglaju, a u cilju pripreme ostale potrebne dokumentacije, općinski načelnik je Rješenjem broj: 01-49-794/17 od 31.03.2017. godine, formirao stručni tim za izradu Prijedloga Odluke o pogrebnoj djelatnosti do konačnog usvajanja Regulacionog plana „Borik“ u Maglaju.

Stručni tim je prema navedenom Zaključku i Rješenju općinskog načelnika pripremio radnu verziju Odluke o pogrebnoj djelatnosti, koja će se proslijediti na razmatranje na komisije općinskog vijeća.

U skladu sa članom 43 Zakona o prostornom uređenju i građenju Zeničko dobojskog kantona (Službene novine Zeničko –dobojskog kantona broj: 01/14) , a radi praćenja izrade i stručnih rasprava o svim fazama, utvrđivanja osnovne koncepcije i usaglašavanja stavova i interesa izrade planskog dokumenta Regulacionog plana „Groblje Borik“ predlažemo da Općinsko vijeće donese odluku o formiranju Savjeta plana.

Savjet plana sačinjavaju stručnjaci iz oblasti prostornog planiranja, urbanizma, arhitekture, građevinarstva, saobraćaja energetike, okoline i drugih oblasti, zavisno od vrste dokumenta, a broj članova nije ograničen.

Općinsko vijeće Maglaj će biti uključeno u svim fazama izrade ovog dokumenta u skladu sa odredbama Odluke o pristupanju Izradi Regulacionog plana, a o provedenim daljim postupcima će biti redovno informisano.

Prilog: Izvod iz Katastra sa označenom lokacijom „GROBLJE –BORIK“

Obradivač:

Jasminka Hajrulahović dipl.ing.arh.

Kontrolor:

Fuad Hajrulahović dipl.ing.arh.



OPĆINSKI NAČELNIK

Mirsad Mahmutagić

